

四庫全書

史部

欽定四庫全書

史部

欽定熱河志卷

八十五
八十二

詳校官編修

臣曹

城

檢討

臣

德生覆勘

總校官舉人

臣章維桓

校對官編修

臣戴心亨

謄錄監生

臣陶嗣曾

欽定四庫全書

欽定熱河志卷八十

寺廟四

普陀宗乘廟

殊像寺

廣安寺

羅漢堂

須彌福壽廟


熱河城隍廟

廣元宮

穹覽寺

琳霄觀

普陀宗乘之廟



普陀宗乘廟 在

行宮北里許乾隆三十五年舊藩新附溥慶臚歡
命敕西藏布達刺都綱法式創建茲宇

御書額曰普陀宗乘之廟東西二門額曰威嚴總持曰
寶光普耀門內額曰廣圓妙覺寶坊前額曰普門
應現後額曰蓮界莊嚴前殿八楹額曰無量福海
又十六楹額曰千佛之閣皆兼四體書殿內聯曰
妙相合瞻千利資諸福繁釐同祝萬歡洽羣藩中

殿二十楹又十八楹後殿二十五楹殿外檐額曰
落伽勝境曰文殊勝境曰萬法歸一皆兼四體書
殿內額曰妙德圓成曰淨性超乘曰萬緣普應聯
曰獅座具神威咸欽奮迅驚峰瞻相好普現莊嚴
曰法界海中臺臻大歡喜化身現上塞護妙吉祥
曰總持初地法輪資福勝因延上塞廣演恒沙梵
乘能仁宏願洽新藩殿樓上聯曰梵教流傳宗遞
演化身應現慧常融八方亭外額曰權衡三教六

方亭外額曰慈航普渡皆兼四體書亭內額一曰
精嚴具足一曰示大自在聯曰法界現神威即空
即色梵天增大力非住非行又曰水鏡喻西來妙
觀如是月輪悟南指合相云何樓額曰普勝三界
四面羣樓額南曰秘密勝境北曰極樂世界東曰
度經之閣東樓上曰阿閼鞞佛壇城曰觀世音菩
薩壇城曰無量壽佛壇城曰釋迦佛壇城曰雅曼
達噶壇城曰喜金剛壇城西曰大乘妙峯皆兼四

體書聯十三曰纓鬘垂護花龕彩獅象馴依鷲嶺
輝一曰佛刹現乾城法資喻筏禪宗開震旦教演
傳燈一曰以此無量慈同叅不二喻彼有為法普
渡大千一曰統須彌界天護持常住遍華嚴海會
應現隨方一曰秘印妙持超四果圓光正覺示三
乘一曰現法化報身曇霏遍蔭統先中後際象教
同持一曰初地相光全總持一化諸天梵香聚共
演三摩一曰般若相常融具五福德菩提心並證

增八吉祥一曰覺觀印圓通能仁普示識田悟清
淨妙智同修一曰功德示經文香薰薈蔔莊嚴瞻
相好光瑛琉璃一曰持法利身心衆生並濟隨緣
施願力一切常圓一曰佛光普護三千界壽域常
開萬億春一曰寶樹交輝香不斷祥輪常轉法無
邊廟謨輪奐

天蒸輝煌真佛國之化城人間之福地矣

御製文

普陀宗乘之廟碑文 辛卯

山莊迤北普陀宗乘之廟之建仿西藏非仿南海也南海普陀在浙東定海縣境朝山之舶歲歲凌越洪濤瀾
泝間擎香頂禮惟謹曰大士道場舍茲奚屬是獨震旦
緇流方隅所見故然攷之貝夾普陀有三一居額訥特
珂克一居圖伯特一居南海蓋南海特大士行教至此
偶一示現云耳庸可以此為是而彼為非乎額訥特珂
克即印度是由此以證西來因緣自印度而西藏自西

藏而南海了了可識第印度金剛座遼遠難稽詎若西藏都綱法式具備為天人攝受之閤規藩服皈依之總匯也哉乃者歲庚寅為朕六袞慶辰辛卯恭遇

聖母皇太后八旬萬壽自舊隸蒙古喀爾喀青海王公台吉等暨新附準部回城衆蕃長聯軫偕徠臚歡祝

嘏念所以昭褒答示惠懷者前期咨將作營構斯廟以乾隆三十二年三月經始至三十六年八月訖工廣殿重臺穹亭翼廡爰逮陶範斤鑿金碧髹堊之用莫不嚴淨

如制夫羣蕃信心迴向厥惟大慈氏之教而熱河尤我
皇祖聖祖仁皇帝撫綏列服歲時肆覲之區嚮也西陲內
面景從朕勤思續述普寧安遠普樂諸刹所為嗣溥仁
溥善而作也今也逢

國大慶延洪曼羨而斯廟聿成三乘之宗實其統會於焉
宣寶鐸演金輪闕禽流梵樂之音塞樹種菩提之果一
切國土善信膜拜歡喜以為得未曾有而久入俄羅斯
之土爾扈特以其為外道非黃教所概舍久牧之額濟

勒率全部數萬人歷半年餘行萬有數千里傾心歸順
適於是時莅止瞻仰善因福果誠有不可思議者是則
山莊之普陀與西藏之普陀一如與印度之普陀亦一
如與南海之普陀亦何必不一如然一推溯夫建廟所
由來而如不如又均可毋論即如如之本義豈外是乎
豈外是乎先是羣藩合辭請進千佛像懇欸弗可却因
命就廟中度閣奉之別有記不復詳綴為說偈曰

我聞瞻部洲

古德有道場

天龍各護持

名四大結聚

九華及二峩

五臺亦初地

普陀南海南

觀自在所住

其言限方所

不出邊邪見

譬如一揅手

眯萬億由旬

若人證三摩

要令不失故

衛藏妙莊嚴

竺乾祖庭意

興桓足香界

成此大勝因

百部諸賢王

合十聆唄讚

塞土黃金色

是處菩薩面

其前羅漢峯

磬石為捷椎

舉似象王巖

非離亦非即

其下獅子溝

武列功德水

舉似鐵蓮洋

無垢亦無淨

能具等正覺

皆作如是觀

五十三叅竟

還叩兩足尊

長現調御相

為說無生法

御製詩

普陀宗乘廟落成拈香得句

辛卯

遞肖何妨屢普陀

普陀有三一居額訥特珂克即印度一居圖伯特即西藏一居南海而西

來因緣則始自印度而西藏而南海特土行教示現之所印度又遠不可稽惟西藏都綱法式具備因於山莊北麓仿其制為之金剛四句括無多層樓金瓦輝香象偏袒

黃衣演法螺虔為祝

肇開八秩會逢歸極仰三摩

今歲恭遇萬壽因建此廟慶迓

皇太后八旬慈

禧茲屆歲工慶落會土爾扈特汗渥巴錫等
適至以其素重黃教命往瞻禮俾益深感悅
撰良慶落

欣瞻禮曰罪曰知且付他

普陀宗乘廟即景 壬辰

震旦惟南海山莊護北峯莊嚴猶緒事清淨是真宗優
鉢含風燦貝多帶露濃盤旋清蹕返聽遠隔林鐘

普陀宗乘廟即事 癸巳

普陀本以撫遐為

蒙古皆重黃教庚寅辛卯疊逢國慶舊藩新附諸部落咸集山莊臚

歡祝

慈壽而洽桑懷梵語布達喇即華言普陀也

神道誠看有相之遂致遠徠土爾扈

廟工將歲而土爾扈特台吉渥巴錫

等率屬歸順朝覲山莊之日適屆落成大慈氏廣大因緣不可思議如此即命至廟瞻禮俾益感忭土爾扈特急讀之則為

因教羣禮總持尼即今法雨滋忍草萬古

宗風振慧枝若論三乘皈一字謂猶一字屬多詞

瞻禮普陀宗乘之廟因題

丙申

梵語布達拉震旦謂普陀南海本中華西域實倣摹

叶

普陀有三詳見碑記蓋西域布達拉本以山似普陀而屋宇則仍依藏式茲廟規制悉倣西藏為之斯

乃肖藏式構築無差訛土爾扈特來慶落演梵那秋辛卯

工落成適土爾扈特汗渥巴錫等朝去歲雨致頽根基

未固羅重砌塊石堅僨事弗深訶昨歲夏秋多雨廟之

地面上層樓閣亦有傾者即遣大臣勘驗知係原工築土未堅雨水滲入致牆基鼓裂層層卸而下皆由前此承

辦各員不諳作法尚非侵冒誤工故不加深謹因命易大塊石為基層層層覓築經樓閣重加葺治未踰年而

歲工閏整如前而鞏固較勝於舊通計費用四十餘萬金例當工員賠補念各員力不能償止令其中數人庶

俸最厚者酌賠什之一餘悉豁免其工員初時僅梳頂帶今於工竣之日仍加恩給還茲臨重瞻

禮舊貫仍巍峩不有敗者相焉覩成者嘉叶成敗總六
如如是觀如何

布達拉廟瞻禮有作己亥

布達拉原肖前巖落成土爾扈來賓

土爾扈特急呼之則為土爾扈猶厄

魯特急呼之為厄魯也

無心招致彼殊域有意懷柔此近人

素蒙古

黃教況此寺倣前巖之式尤為壯麗諸札薩克王公等每扈從瞻禮無不歡喜踴躍即此亦懷柔之一端也

松樹種將嘉蔭滿山花開遍法雲彬更今札什煥倫布

札什倫布華言須彌福壽也以班禪額爾德呢欲來京為余祝七旬萬壽特倣後巖式班禪所居廟建於此俾

居欣在觀光輻輳頻

布達拉廟瞻禮用去歲韻庚子

普陀於右須彌左

布達拉華言普陀宗乘札什倫布華言須彌福壽也

揖讓無殊

主與賓閱稼之餘臨梵地祈年莫匪為去聲農人落來雙


樹風聲爽斂去寥天雲彩彬祝嘏欣逢聖僧駐

班禪額爾德呢

自後藏跋涉二萬里來此祝余七旬萬壽因為建諸番札什倫布以資安禪亦時到布達拉廟講經放參

膜拜看填頻

殊像寺



殊像寺

在普陀宗乘廟西名因臺麓制倣香山

緣起脩詳

御製詩序寺門三楹南嚮恭刻

御書殊像寺額寺額多具四體書左右有鐘鼓樓內為

天王殿東西配殿各五楹東曰饌香堂西曰演梵

堂內為會乘殿殿七楹額曰會通三際聯曰發心

為衆生緣深入善權菩薩果現相如三世佛了分

身住曼殊牀又東西配殿各三楹東曰指峯殿西

曰面月殿其後建八方亭額曰寶香閣又曰淨名
普現聯曰佛說是本師宏宣象教天開此初地示
現獅峯又東西配殿各三楹東曰雲來殿西曰雪
淨殿更內為樓十八楹額曰清涼樓又曰相合臺
懷聯曰地上拈將一莖草樓頭現出五臺山樓下
額曰妙五福德聯曰地分臺麓示居國座挹鍾峯
供養雲又東西配殿各五楹東曰吉暉殿西曰慧
喜殿寺旁築室三楹額曰香林室又樓三楹額曰

倚雲樓恭繹

聖製清涼五峯香山塞山非彼非此所謂一而二二而

一無分別見作平等觀

曼殊闍義得未曾有也

御製詩

殊像寺落成瞻禮即事成什

有序
未

五臺山為文殊師利道場梵語謂之曼殊師利山

麓有寺曰殊像傳是文殊示現處妙相端嚴瞻仰

生敬辛巳春奉

聖母幸五臺祝

釐辯香頂禮默識其像以歸既歸摹勒諸石遂乃構寺於香山肖碑模而像設之顏曰寶相茲於山莊普陀宗乘廟西營構蘭若莊校金容一如香山之制而堂殿樓閣略倣臺山亦名以殊像從其朔也夫佛法無分別見清涼五峯固文殊初地香山塞山非彼非此矧以竺乾視之固同為震旦中菩薩示現

之境乎是則闡宗風延

曼壽功德利益又皆一合相之推廣平等者也工始於乾

隆甲午夏逾年落成以詩代頌並誌緣起如右

殊像全規臺廟模撰辰慶落禮曼殊

曼殊師利梵帙讀作平聲其音近滿

珠故西藏達賴喇嘛等進丹書借稱曼殊師利大皇帝今俗訛滿珠為滿洲非也

金經蒙古猶

常有寶帙皇朝可獨無

佛經本出厄訥特訶克是為梵帙一譯而為唐古特之番再譯

而為震旦之漢其蒙古經則康熙及乾隆年陸續譯成者朕以當我朝全盛之時不可無國書之佛經因命開館譯定譯以國書宣白業習之修士翊浮圖
是寺之喇嘛皆令習清字

經即闍曼殊師利之義

雖然名實期相稱去聲師利應嗤謂是乎

殊像寺丙申

殊像亦非殊堂堂如是乎雙峯恒並峙

與普陀宗乘之廟各據一峯相

去半里

半里弗多紆法爾現童子巍然具丈夫丹書過情

頌

西藏每於新歲獻丹書稱曼殊師利大皇帝云云蓋以曼殊音近滿珠也

笑豈是真吾

殊像寺疊丙申韻己亥

殊像像文殊豈云異貌乎濶違忽兩載瞻禮此重紆法
演三千界心傳調御夫無生祇二字行處目瞠吾

香林室 し未

室築花宮側檀林擁淨香最宜引呼吸可以悟真常庭
樹有嘉蔭砌葩無俗芳如云皆是藥識者大醫王

香林室 丙申

塞上富者林茲以近佛地異衆獨名香而室幸斯置俯
仰梅檀叢饗飫薈蔔味滿志惟清淨謀目足蔥翠何當
屏萬慮從脩入聞思

香林室 己亥

是林無不香是處香之最室築梵宮旁自應餘津逮潤
以沆瀣精吹以蒼蘊耳根及鼻觀合相成靜會五木
與都梁火氣直宜汰

倚雲樓

未

寺傍隙地一區分倚巘為樓亦可欣虛牖却無來去相
容容常挹德山雲

倚雲樓

丙申

倚雲雲亦倚其樓正可義經悟氣求若論山田霑渥雨

豐隆祇合此間收

倚雲樓口號

己亥

山樓兩架倚晴暉
莫謂無雲便擬歸
試看青蔥峭蒨者
蔚林詭石豈其非

廣安寺



廣安寺 在普陀宗乘廟之西南嚮乾隆三十七

年建

御書門額曰持勝門又內樓六十二楹額曰淨香室曰
定慧樓皆無四體書面西聯曰香界擁諸天妙鬘
普護塞山現初地淨土同持面南聯曰淨域頂光融
莊嚴普現妙香鼻觀會功德常增樓上聯曰現法
化報身總持淨業叅誠定慧諦永駐祥輪寺中有
戒臺恭懸

御筆四體書額每歲蒙古諸部鱗集式瞻寶相普結勝

因

慈宇洪寧不特花龕蓮筏已也

御製詩

廣安寺瞻禮六韻 癸巳

蒙古尊黃教其來已久時以神道而設因俗習為治用

接宗乘右

是寺在普陀
宗乘廟之西

俾修摩竭儀金容輝法相玉律

示毘尼

寺中有
戒臺

是日虔瞻禮

萬年無祝釐廣安寧詎此土扈

即土爾扈特急呼之或兩字或三字皆可如厄魯特

亦呼厄魯列藩維

廣安寺 未

北山一帶佛宮羅居選番僧演梵那殊像西鄰原不遠
良辰餘暇遂相過雖云

慈壽祝無量也覺莊嚴漸已多設以廣安喻治理儒宗釋
典豈殊科

廣安寺 丙申

蓮宮及鹿苑迤邐接北山一以祝

慈壽一以示外藩相去弗其遙遊乘片時間未能空五蘊

那足悟三幡獨因歌者定差云副廣安

廣安寺疊乙未詩韻 己亥

亘山疊樹盡娑羅勝地真宜創舍那瞥眼誰期閱兩載
散懷偶爾得重過

昔年祝願成三幻

寺本為
於乙未詩紀

聖母祝
及之孰意

釐而建
成虛願


此

日虛無說六多柔遠詎惟宣梵教

此寺居普陀宗乘廟
之西與羅漢堂殊像

寺俱在北山一帶地當塞苑之後琳宇駢羅益增
勝槩不僅宣揚黃教令蒙古王公等瞻仰生欽也即今
械樸作儒科今升熱河廳為承德府建立試院定以學
額並度地創建文廟期塞外士子習
絃歌振興文教

羅漢堂



羅漢堂 在

行宮北里許乾隆三十九年建殿額皆

御書左右有鐘鼓樓門內天王殿又內大殿額曰應真

普現皆無四體書大殿內額曰會乘證果東西配

殿各六楹堂中應真像悉仿海寧安國寺制伏讀

御製江南塞北妙相同觀而十六非少五百非多益證

妙諦圓融也

御製詩


題羅漢堂 癸巳

潔治山堂據漫坡應真寫像各婆娑江南彼豈塞北此
是間應真像肖海寧安國寺為之十六少非五百多色現聲求總邪道

水流雲住契禪那知然是復何為者獅子峯高借問他
羅漢堂

五百應真此休夏香筵列坐貌堂堂杯從何處同鷗渡
錫駐於斯聚雁行一切有為法皆幻六如無著偈猶詳
佛居淨土居塵世度世婆心正未央

項福壽之廟



須彌福壽廟 歲在庚子恭逢

皇上七旬萬壽時則班禪額爾德呢祝

釐來自後藏

上嘉其遠至於山莊建札什倫布廟居之唐古特語札
什為福壽倫布謂須彌山也廟門南嚮恭刻

御書額曰須彌福壽之廟廟額多具四體書東西二山
門有題額一曰梵香遍滿一曰法界圓成碑亭一
額曰智光普照寶坊一額曰揅持佛境都綱殿樓

三重額曰妙高莊嚴殿內面南額曰寶地祥輪聯
曰開大般若臺朗照宗鏡具妙莊嚴相深護法雲
又曰證三摩菩提圓裝七寶超六波羅密座湧千
花又曰圓鏡照三千是空是色妙香聞二六即佛
即心又曰妙曼擁珠城莊嚴具足芬陀承寶蓋福
慧圓成面北額曰福緣恒演聯曰現象香國身增
五福德說最上乘法證八吉祥又曰仙露淨塵根
花垂蒼筤香風翔法界樂送迦陵又曰證最勝因

光華開七寶溥無量壽安樂演三乘東為

御座樓聯曰風鈴常轉蓮花藏貝葉間披金字經更內
佛樓二重額曰生歡喜心聯曰龍象莊嚴妙不可
思議人天歡喜普如是吉祥又曰見性悟真源參
聖如意定心觀妙諦示佛因緣殿上層額曰吉祥
法喜殿內聯曰寶閣護香雲靜資禮梵靈峯呈壽
相妙悅安禪下層額曰芬陀普湧殿內聯曰初地
總持超梵乘恒沙普演護祥輪又

御座樓南北殿各二重北殿懸南無阿彌陀佛額聯曰
到來佛相原如是靜處塵心那更生又曰功德無
邊復無量因緣非色亦非空南殿東楹聯曰現法
化報身共依圓覺攝聞思修教遍示妙明西楹聯
曰象法湧祥輪西方震旦智光騰寶炬海藏天宮
客堂額曰萬法宗源聯曰便有香風吹左右似聞
了義示緣因仰惟

壽宇宏開

皇風普曜西方妙法同我太平伏誦

御製記文仰見我

朝聲教恢紘卓越千古非獨耆崛闍山阿耨達水頌
無量功德已也

御製文

須彌福壽之廟碑記

庚子

黃教之興以宗喀巴為鼻祖有二大弟子一曰根敦珠
巴八轉世而為今達賴喇嘛一曰凱珠布格埒克巴勒

藏六轉世而為今班禪額爾德尼喇嘛是二喇嘛蓋遞
相為師以闡宗風而興梵教則今之班禪額爾德尼喇
嘛實達賴喇嘛之師也達賴喇嘛居布達拉譯華言為
普陀宗乘之廟班禪額爾德尼居扎什倫布譯華言為
須彌福壽之廟是前衛後藏所由分也辛卯年曾建普
陀宗乘之廟於避暑山莊之北山以祝

釐也亦以土爾扈特之歸順也今之建須彌福壽之廟於
普陀宗乘之左岡者以班禪額爾德尼欲來覲而肖其

所居以資安禪且遵我

世祖章皇帝建北黃寺於京師以居第五達賴喇嘛之例也然昔達賴喇嘛之來實以敦請茲班禪額爾德尼之來觀則不因招致而出於喇嘛之自願來京以觀華夏之振興黃教撫育羣生海宇清晏民物敕寧之景象適值朕七旬初度之年並為慶祝之舉也夫朕七旬不欲為慶賀繁文已預頒諭旨而茲喇嘛之來則有不宜阻者蓋國家百餘年昇平累洽中外一家自昔達賴喇嘛

之來至今亦百餘年矣且昔為開創之初如喀爾喀厄魯特尚有梗化者今則重熙休和喀爾喀久為世臣厄魯特亦無不歸順而一聞班禪額爾德尼之來其歡欣舞蹈欲執役供奉出於至誠有不待教而然者則此須彌福壽之廟之建上以揚

歷代致治保邦之謨烈下以答列蕃傾心向化之悃忱庸可已乎既為記復作讚言

印度既迴遙

佛教亦式微

梵僧捨天竺

多臨衛藏地

自唐代已然

是為法源處

一譯猶云近

三乘無舛訛

宗乘向東昌

誠如佛所記

衛藏雖徼外

實在震旦中

達賴及班禪

宗喀巴高第

前後燃智燈

三車之綱領

真文與滿字

於是溯軌躅

蒙古衆林林

莫不傾心向

皈依三寶門

神道易設教

茲聞班禪來

如嬰兒遇母

觀化闡宗風

誠為吉祥事

布達拉既建

倫布不可少

擇向興工作

亦以不日成

都綱及寢室

一如後藏式

金瓦映日輝

玉幢揚風舞

自成動靜偈

朗標色空喻

以是善因緣

資無碍法喜

祝嘏猶其小

所欣象教宏

舉似西域居

無來亦無去

上人演法輪

蠢蠢普超度

佐我無為治

雨順與風調

衆生登壽世

慧炬永光明

合十作讚言

初非為一己

如懸大圓鏡

徧照於十方

而鏡本無心

迴向亦如是

御製詩

札什倫布廟落成紀事庚子

華言福壽等須彌

唐古特語倫布者須彌山札什者福壽也

建以班禪來祝

釐

今年班禪額爾德尼來熱河為余祝七旬萬壽因仿後藏班禪所居廟式特建此寺

舊例已遙

導

順治

謂北黃寺因五輩達賴喇嘛於順治年間來京特勅建寺居之

新工猶近比去聲

康熙

溥仁寺康熙五十二年建為熱河最古寺

層樓初聳輝佛日萬樹分栽對

金定四庫全書
卷八十
慧枝一語欲詢駐錫者有無法也抑無為

再題札什倫布廟

曉趁輕涼出苑門札什

讀作平聲

倫布煥崇垣班禪韜重先

云至

班禪額爾德尼昨遣喇穆占巴四人並喇穆隨從五十餘人貴送韜重先至熱河因即以札什倫布

旁舍居之

夏季生衣預沛恩

喇穆占巴及喇嘛等來自後藏尚服毳毼因各頒賜紗葛銀兩

藥物有差

彼以敬來酬以惠識其委欲溯其源莊嚴每謂非

斯謂那待他人有後言

札什倫布廟疊去歲韻

辛巳

寺圖後藏奉阿彌福壽如山自兆釐

札什為唐古特之福壽倫布為須彌

之語本擬來宗闡法教那期入寂示恬熙

班禪額爾德尼於庚子七月來

觀山莊擬以次年春送還後藏不期於十一月示寂於黃寺

滅生原不拘三乘規律

猶然貽一枝

上年班禪額爾德尼住此曾留其高弟羅卜藏敦珠布帶領班第二十八人在廟住持

傳習後藏經律因派此地喇嘛百八十名隨從學習今歲臨幸札什倫布見學習經律諸喇嘛漸次嫻熟雖班禪示寂而宣揚黃教規律常存寔亦去來如一也

如是去年對談處笑茲構築


信何為

札什倫布廟再疊庚子韻

壬寅

由來芥子納須彌底論仰荒與俯釐見說福資三乘力
祇圖茲濟萬靈熙堂中貝葉翻宗教階下禪林長慧枝
舊果前緣一相證有為法豈及無為

熱河城隍廟



熱河城隍廟 熱河自

聖祖仁皇帝締構山莊六十餘年為

畿輔東北一大都會乾隆三十七年允督臣周元理
請恭建茲廟四十三年奉

旨設立承德府神皋鞏固秩禮攸宜

御書殿額曰福蔭巖疆聯曰和會視畿封妥斯苞茂阜
寧徵版籍報以馨香左右配殿各一楹又內後殿
五楹東西配殿各一楹廟碑恭勒

御製詩序歲時

展敬靈貺惟昭矣

御製詩

熱河初建

城隍廟拈香瞻禮八韻

有序

城隍之神莫詳所自或謂始於唐李德裕之立於
成都而李陽水縉雲城隍神碑則謂惟吳越有之
然張說在荊州張九齡在洪州並有祭城隍文可

見不始於成都亦不獨行於吳越且蕪湖城隍建
於吳赤烏二年則又不自唐始而攷城隍名義寔
權輿於八蜡水庸則并不得謂自吳始矣迨宋以
後天下通祀明初雖改從山川壇尋亦復舊今則
省府州縣同之熱河向未有

神廟壬辰秋督臣周元理以為請即發帑庀材飭治
之或以為熱河故無城池於名母乃不稱余曰否
否

卷八十
神之號為城隍方隅是保眚庶是依熱河自

皇祖締構山莊以來迄今六十餘年民物恬熙井里殷富
五廳隸屬咸臻阜寧儼然一大都會必有默相之
者記不云乎有功於民能捍災患則祀之則熱河
城隍之宜脩祀典於禮誠不可闕且行宮石城崇墉
屹峙武列三源安流導和何不可以循名徵實又
詎在列雉重闐環濠曲塹方足以當斯義哉越癸
己夏五月工歲余適臨韋山莊親致辦香以落之

作詩紀成並序緣起俾揭諸麗牲之石且告所司
慎厥事焉

八蜡分明紀水庸謂由唐始見猶壅興州久矣民人聚
新廟於焉鑒饗供佐

帝佑氓宜有祀禦災錫祉願無封燕公椒奠曾攄悃洪武
泥塗或不恭避暑石城

皇祖建廣仁雲嶺

聖慈從昭靈助順萬年賴薦禮申誠此日逢猛獸毒蟲消

百戾春祈秋報走三農言用代豐碑勒土吏欽哉奉秩
宗

廣元宮



廣元宮 廟制昉自岱宗盛於京輦東方德主生
物列在祀典所以致精裡昭

靈貺為民祈福之至意也熱河升為承德府人民蕃
育神祀聿修於山莊內

勅建茲廟以脩制度廟門南嚮恭刻

御書廣元宮額東西山門各三楹左右有鐘鼓樓內為
仁育門更內為香亭重簷複起額曰馨德亭又曰
靈昭長養聯曰廣化佑天齊無遠弗届元功叶仁

育有感斯通東西配殿各三楹東曰邀山室西曰
蘊竒齋正殿五楹額曰仁育殿又曰普佑資生聯
曰岱頂仰神庥功宣長育塞園崇廟祀福蔭蕃昌
後山門外有亭一額曰古俱亭

御製詩

廣元宮六韻 己亥

元為善之長

上聲

生物主東方因肖岱宮式

碧霞元君廟在泰山頂北

方祠祀極廣屢著靈應京師建廟城外有五頂之稱落
而中頂南頂西頂尤著皆官為葺治茲倣其制為之

成靈宇慶萬家烟火庶兆姓息男昌承德今升府興文
並設庠祈年協暘雨希

佑富耕桑惟以民情願無非

祖蹟寢

蘊奇齋 己亥

峯層復嶺重嵐秀護階濃鎖徑多詭石幕檐著古松起
思無定趣引睇鮮常容恰似青雲士諸奇蘊一曾

蘊奇齋 庚子

玻璃窻對簇攢峯朝靄暮嵐無定蹤可識萬奇此中出
而齋不識以為容

蘊奇齋

庚子

奇正由來兩勢分兼之誰似碧山云而齋蘊以無窮趣

顯露應嗤揚子雲

中說揚子雲古
之振奇士也

蘊奇齋口號

辛丑

奇者平之對合知齋中所蘊乃多奇老來諸事喜平易

即景聊因一詠斯

蘊奇齋偶爾有會口號因成

壬寅

牕前萬景納無遺即景因之額蘊奇奇正自應殊甲乙
奇惟宜蘊正宜施

邀山室

己亥

山本靜無動無動無去來而室顏曰邀其義何居哉諸
峯自畫展一牖惟虛開朝暮恒與俱嵐靄恒與陪去亦
弗遮留來亦弗拒推是謂不速客敬之終吉該

邀山室有會

庚子

山豈有動理而室邀以來室亦寧鮮邀則因人至哉是三實假合闕一乃殊乖令假成一真知真原幻諧

邀山室

辛丑

山之德為靜其實弗解動

韻會凡物自動則上聲彼不動而我動之則去聲晰理頗

精作室額曰邀斯乃有迎送而山常在室何曾待延壯是非彼自然乃由我所弄即室亦勿知支辭過誰訟

古俱亭

己亥

喬松足有千載古峻嶺今看一竺俱小坐消搖得奇會

忘年之友定無殊

古俱亭作歌


壬寅

山實太古有喬松亦如之境雖荒略亦自有人居於茲
其人何往而惟松及山也恒如斯亭實構乎今山兮松
兮與之俱古夫何疑吾欲泯名象忘今古漠然坐對謚
神思

欽定四庫全書

卷八十

穹覽寺



穹覽寺 在喀喇河屯

行宮東南里許南嚮康熙四十三年

聖祖駐蹕喀喇河屯隨侍人員恭建此寺以祝

萬壽門額曰

勅建穹覽寺門內左右為鐘鼓樓中植碑一恭鐫

聖祖御製碑文內為正殿前楹恭懸

御書寺額殿內

題額曰清音貝葉又

御書額曰性澄覺海東西為配殿又內為後殿

御題額曰天半香林東西有配殿寺基為坡陀小阜門俯灤河如練如帶隔岸諸山螺髻湧現有俯視層霄之槩云

聖祖御製文

穹覽寺碑文 三集

哈喇河屯者蒙古名色釋之即烏城也乃古興州之所轄因世久事殊前朝未及設官分職皇興等書編察難

攷朕避暑出塞因土肥水甘泉清峯秀故駐蹕於此未
嘗不飲食倍加精神爽健所以鳩工此地建離宮數十
間茆茨土階不彩不畫但取其容坐避暑之計也日理
萬幾未嘗少輟與宮中無異萬幾偶暇即窮經史性理
諸書臨池揮翰膳後即較射觀德以安不忘危之念此
其大略也因有離宮隨侍人員共祝萬壽而建寺不日
即成又求匾額以垂永久朕賜書云穹覽取沈約驤首
覽層穹之意在行宮之巽位寺勢雖微蓮社梵音鈴鐸

經聲巨細皆脩內有三大士相仙衣飄颺瑞園涵漾以
空寂為本慈悲為教汲引四生津梁三界清鐘夜聞遠
近罔弗皈依月殿朗輝中外靡不瞻仰况右倚層巖左
帶大河口外諸蕃來往進貢皆由經過三庚無暑六月
生風地脈宜穀氣清少病誠為佳景前朝以戍邊不暇
何得駐蹕今四海為一八表同風自京北至萬里如同
家人父子豈有他術哉以誠而已今臣下歸福於朕朕
曰天下皆福朕之福也先憂後樂朕之職也所願者年

豐歲稔烟塵永息余之念茲在茲之意足矣無以妄求
佛有所知自有保護康熙四十三年歲次甲申秋八月
中秋日

聖祖御製詩

穹覽寺偶成 三集

塞北鐘聲久不聞梵宮列剎共氤氲
雨花柏樹同僧老
開世瞿曇永法雲

御製詩

窮覽寺 辛酉

招提鈴鐸午風吹
罨畫山川入望奇
徙倚試思廿年事

苔封碑字紀康熙

琳霄觀



琳霄觀 在喀喇河屯

行宮東南三里許康熙四十九年建南嚮門外樹坊
二前曰興州勝境後曰紫塞春臺門額曰琳霄觀
門內左右為鐘鼓樓內為靈官殿又內為聖母殿
額曰資生保赤東西為配殿又內為火神殿額曰
德炳南離皆

聖祖御書門左植碑一工部侍郎兼翰林院掌院學士揆
敘奉

勅撰誠親王允祉奉

勅書觀與穹覽寺相望淨界梵天鐘魚互答瑞靄吉雲真

去天尺五矣

欽定熱河志卷八十

欽定四庫全書

欽定熱河志卷八十一

寺廟五

龍尊王佛廟 在熱河東北八十里湯山溫泉出

焉

聖祖敕建廟其上

御製碑記

聖祖御製文

湯山龍尊王佛廟記

四集

塞外山脈自西北來至熱河岡巒迴合形勢鬱盤環左右百里間多名泉而山莊之東北有湯山其泉湧出山腰自然而溫浴之蠲煩除疴導和怡性朕始經其地謂水候微涼更得暄暖乃宜於體比再往則加煥矣記稱坵陵川谷能出雲為風雨者皆有神況是山蘊金沙之氣蒸為醴液又應候如意豈非有神靈默相者歟爰於泉上繚以周垣構行宮數椽為避暑沐浴之所而于其

中建龍尊王佛廟以奉香火焉考湯泉著於史傳者驪
山天都最為古蹟其他亦散見於山經雜志而此地自
古未入版圖故川原之勝蔽翳于荆榛沙磧間幸今中
外一家茲泉始得呈其靈異古人謂地脈之興亦有待
而然非虛語也夫君子澡身浴德如沃盥以去垢朕于
此竊附湯盤之警期與天下日新而所以膏澤吾民以
及蒙古諸部落使咸壽考康寧者則不能無望于佛之
庇佑焉是為記

火神廟 在大街康熙五十年建

關帝廟 在二道街康熙五十四年建

聖祖賜額曰開仁寺乾隆二十八年奉

敕重修前殿供關帝額曰忠義北嚮供觀音額曰妙觀後
殿供如來文殊普賢額曰雪山正覺皆

聖祖御書寺有石碑一詹事府少詹事蔣廷錫撰文誠親

王允祉書

觀音大士廟 在廣仁嶺北康熙五十七年建

聖祖御書額曰妙德慈

關帝廟 在西南街雍正十年建

御題額曰忠義伏魔每歲春秋及五月十三日官為致祭又關帝廟四一在糧食街康熙五十年建有碑一在獅子溝一在二道河並乾隆二十年

敕修一在河東乾隆二十五年

敕修

藥王廟 在獅子溝乾隆二十年

敕修

龍王廟 在獅子溝乾隆二十年

敕建

礮神廟 在右哨汛

靈峯寺 在五指山元敕建有碑額曰興州宜興

縣五指山大靈峯禪寺大輪禪師碑銘下書北京

大定高守寶同男高誼高諱刊大都大奉福禪寺

傳法住持嗣祖沙門居實撰提點小師沙門廣純

書丹功德主敕授進義校尉虎賁軍百戶王琮敕
授將士佐郎宜興縣尹兼管諸軍王文祐授武義
將軍虎賁軍千戶王琰光祿大夫中書右丞相安
童至元二十四年立碑上截完整近跌處利缺殆
盡云

竹林寺 在白馬川之敵樓山康熙四十三年修
有僧照安撰碑言竹林寺建于元致和間寺內又
有元至元間重修敵樓山天宮禪院碑記元僧顯

月撰碑稱僧慧靄止于敵樓山之抱有古殿宇址
號曰天宮惟設觀音神像乃結廬于山未逾三年
復完紺殿及鐘樓方丈僧舍山門香積雲居廩庫
賓館皆創構之是天宮禪院始建在元以前僧慧
靄又僧新之今竹林寺殆即天宮禪院故址

謹按竹林寺內僧照安碑謂元致和間建今所
存元碑為至元二十六年重修立石元代世祖
順帝皆以至元紀年致和乃泰定帝年號在世

祖至元後則竹林寺改額或當在其時云

清泉寺 在上板城村未詳創建年月康熙四十九年修刑部右侍郎張睿撰碑

雲峯寺 在青雲山未詳創建年月康熙五十二年修僧普臨撰碣

天平寺 在青雲山距雲峯寺南五里

以上在今承德府境

星龕巖寺 在喀喇河屯西稍北五十三里康熙

年間

敕建就巖錫三石佛梵相奇古大殿奉

聖祖御書星龕額

峭壁寺 在喀喇河屯東南樺榆溝康熙年間建

聖祖御書殿額曰天半香林亭額曰森萬象

靜妙寺 在喀喇河屯西藍旗營康熙年間建有

聖祖賜靜妙寺額

闕帝廟 在喀喇河屯東南康熙年間建每歲春

秋及五月十三日官為致祭又關帝廟五一在喀喇河屯營西康熙五十四年建一在金沙灘康熙五十七年一在靳家溝一在青石梁官道側並乾隆二十三年

敕修一在巴克什營

以上在灤平縣境

雲光洞廟 在中關西北三十里石洞溝康熙六十年建

聖祖御書額曰雲寶珠光遂以名洞洞中供三世佛旁室
奉紫微斗極及釋利大士有碑一內閣學士兼禮
部侍郎蔣廷錫撰文翰林院侍讀學士陳邦彥書
安禪寺 在中關北三十七里什巴爾台康熙四
十二年建有

聖祖賜安禪寺額

關帝廟 在土城子西雍正十年建每歲春秋及
五月十三日官為致祭又關帝廟七一在黃姑屯

一在郭家屯北五十里湯泉上一在大閭兒東南
七十里鑲黃旗營一在大閭兒東南九十里頭道
營一在大閭兒北八十里上黃旗一在大閭兒北一
二十里牛圈子一在大閭兒西北一百四十里四
岔山

金雲寺 在土城子南二十里乾隆元年建

河神廟 在土城子萬載橋南乾隆十年建

觀音寺 一在土城子南二十里一在土城子東

北一百二十里

龍王廟 一在土城子西北二十五里赫山一在

大閣兒東北

千佛寺 一在土城子北八里一在大閣兒東北

四十三里

興隆寺 在土城子東北九十里五峰山

釋迦佛廟 在五峰山

蘓武祠 在大閣兒東二十五里

謹按顧炎武昌平山水記稱塞外有蕪武洞或
即此祠之訛今土人呼為蕪公廟考武奉使匈奴
徙北海上不應在此蓋古人遺跡人豔稱之
故為立祠耳

靈通寺 在大閣兒東南五十里龍泉山過寺里
許有龍潭三遠寺前石澗東南流入潮河

洪湯寺 在大閣兒西南六十里湯山山有溫泉
康熙二十二年僧明林建寺甃浴池於泉側

普濟寺 在大閣兒西

月珠寺 在大閣兒北六十里喇嘛山寺有石佛

錫鑲絕工

以上在今豐寧縣境

關帝廟 在八溝河南雍正十二年建每歲春秋及五月十三日官為致祭又關帝廟六在北二道河者二一為康熙五十五年建一為乾隆二年建一在扎薩克旂茶棚雍正五年建一在小子溝雍正

正八年建一在七家茶棚乾隆二年建一在八溝
南乾隆三年建

礮神廟 在八溝南大吉口乾隆五年建

火神廟 在八溝西街乾隆六年建

龍王廟 一在八溝西街乾隆六年建一在八溝
東北喀卜齊爾山廟側有泉

靈峰院 在八溝北翁牛特境內遮蓋山山有千
佛洞今名大碾子洞有金皇統三年靈峰院千佛

洞碑奉議大夫驍騎尉劉子初撰中京大定府長
興縣鄉貢進士杜彥臣書前列都綱沙門曉和匡
主沙門惠學千佛化主沙門遵說等名後列衆僧
名及都提點趙孝慈邑政趙壤舉事趙璫邑判陳
彥副判趙倫以下八人副提點劉忠信邑長孫公
彥監造邑錄梁國寧以下十人名姓碑稱縣東南
有山曰遮蓋背山嚮溪有道場焉遼乾統三年有
天台法師鑿山構殿殿後環洞名靈峰院後遭兵

大至皇統辛酉歲僧遵說成千佛石像碑在今大
碾子洞外又有明萬厯四十五年重修碑在洞內
其文襲皇統碑荒陋無足採元一統志曰松州東
南二十里遮蓋山有古寺即指此

以上在今平泉州及赤峰縣境

佑順寺 在塔子溝東北二百八十里三座塔康
熙三十七年

敕建四十六年落成

聖祖賜佑順寺額并檀香佛像前天王殿西關帝殿左右
鐘鼓樓中為大殿東西配殿左右為藏經閣石碑
二並康熙五十四年辦理土默特貝子旂事務戶
部主事諾岷撰文

佑安寺 在三座塔東北二百四十里康熙四十
四年建

聖祖賜佑安寺額寺內有碑

承禧寺 在塔子溝西九十里北宮康熙五十年

聖祖駐蹕其地發帑建立

賜承禧寺額

弘慈寺

在塔子溝北四百二十里教漢界內康

熙四十六年教漢郡王扎木蘇建

聖祖賜弘慈寺額

關帝廟

在塔子溝東街乾隆七年建每歲春秋

及五月十三日官為致祭又關帝廟四一在三座

塔城內東塔舊墓之右乾隆十三年建一在太鹿

溝一在五道溝東南一在莊頭營

清安寺 在塔子溝東北七十里大城子康熙二

年建

天成觀 在大城子東康熙六年建

降魔寺 在塔子溝西北二十五里小子城之東

三里寺北有石洞一中供佛像土人呼曰喇嘛洞

朝陽寺 在三座塔東八十里康熙九年建又木

頭城子東北八里有朝陽寺康熙中建有塔在山

頂蒙古稱納林塔又塔子溝西南四十里亦有朝

陽寺

彌陀庵 在三座塔東北一百六十里康熙十六

年建

興隆寺 在三座塔大板上康熙四十一年建

天仙廟 在三座塔東鳳凰山聞仙洞下三里許

康熙中建

盛水寺 在三座塔東南雲蒙山下康熙中建山

下有泉

靈佑宮

在三座塔南羊山雍正十二年建

卧佛寺

在三座塔西昂吉山山周三十餘里寺

基當其巔廣袤可六七十丈遼應歷七年石幢記

尚存今寺為蒙古改建寺有石佛高八尺圍四尺

天慶寺

在卧佛寺下四里遼時建康熙十七年

修寺有石胎觀音立像高七尺圍五尺有奇遼壽

昌五年沙門智

闕

等唱和詩石刻尚存碑高五尺

跌半沒土中字跡微泐篆額橫鐫玉石觀音像唱

和詩碑九字詩以次列分四截書前署銜名有崇

祿大夫檢校太師行鴻臚卿

闕

辦大師賜紫沙門

智

闕

兵部尚書兼門下侍郎平章事鄭若愚左僕

射兼中書侍郎平章事韓資讓兵部尚書興中尹

趙廷睦諸行宮都部署尚書左僕射梁

闕

特進禮

部尚書叅知政事趙長敬觀書殿學士行尚書禮

部侍郎知制誥焉

闕

俊中大夫昭文館直學士知

御史中丞開國侯劉瓌度支使金紫崇祿大夫行

尚書禮部郎史仲愛乾文閣待制史館修撰曲正

夫朝請大夫充秘書監開國伯賜紫金魚袋王執

中南面統制

闕十
一字

員外郎

闕二
字

光前樞密院吏房

承旨行殿中少監王仲

闕

朝議大夫知制誥開國

子孟初朝散大夫司農少卿知大定少尹賜紫金

魚袋張識司農少卿知度支副使楊滌瑕守殿中

少監知析津縣事李師範

闕四
字

侍御

闕二
字

賜紫金

魚袋李

闕

提點宏法寺守將作監張

闕

內藏庫都

點朝散大夫尚書虞部郎中偕紫冠

闕

殿中丞直

史館張嶠左承制閤門祇候韓汝礪崇祿大夫檢

校司徒

闕三

正大師賜紫沙門善

闕

共二十二人

碑右側鐫講經法姪性

闕

門資講僧性覺二人和直

書分上下層詩不甚工書頗古勁有法

報恩寺

在天慶寺東北大路下康熙五十一年

重建

華雲寺 在天慶寺東北雍正十三年建有塔

三學寺 在三座塔北狼山舊為祥巖院金大定

五年重修改額有興中府尹改建三學寺碑里人

韓長嗣撰文并書將仕郎興中府都孔目官白霄

王祁篆額後刻都維那銀青榮祿大夫興中尹上

柱國廣陵郡開國公食邑二千戶寔封二百戶高

思廉妻廣陵郡夫人高氏二夫人高氏長男雲堂

次男三學奴遼金舊制以經律論為三學擇僧行

清高者為綱首舉諸郡內經律論學優者為三法師凡取經律論師差官考試於各宗出題答義中選者取三人命為三宗法師蓋最重之三學之名取諸此韓長嗣碑中稱遼建三學寺於府西兵興以來殿堂廊廡俱無寺廢久矣大尹出遊狼山其上有院曰祥密廢為荆榛基址頗有制度迺改修為三學寺是遼於興中府建三學寺金始改建於狼山也元一統志興中州狼山上有三學寺即指

此

林泉禪寺

在塔子溝東南月華山有元僧無際

撰碑額曰大寧路惠州東錦川鄉月華山林泉禪
寺敕建地產四至碑字完好碑稱僧祥盤敕立林
泉寺正殿三楹壁繪毘盧聖像右觀音寶宮左威
光堂歲至乙巳百廢具舉則寺落成于元成宗大
德九年也元一統志月華山寺在惠州東一百九
十里即指此後寺廢雍正十一年即碑側舊址重

建此山有石竇東西相通故俗呼窟窿山廟

以上在今建昌縣朝陽縣境

謹按舊五廳圖冊喀喇河屯有菩薩廟龍母廟
財神廟四旂土城子北有七神廟黃姑屯有藥
王廟黃姑屯及少府營各有玉皇廟黃姑屯東
興龍山有呂仙廟郭家屯湯泉有真武廟郭家
屯西北鳳凰山有天仙廟八溝河南有觀音廟
八溝河南及龍鬚門各有藥王廟八溝東市有

財神廟大吉口有真武廟二道河有大王廟八
溝東瑤瑤山有泰山神廟八溝南湯頭溝有喇
嘛廟二八溝東北喀卜齊爾山及八溝西北一
百四十里各有喇嘛廟塔子溝北有地藏廟藥
王廟塔子溝南市有財神大城子天成觀西南
有觀音堂三座塔西五佛洞有韋馱廟大板上
有明聖寺波羅台溝有喇嘛廟大抵土人所建
其規模無足紀錄皆附載於此

欽定熱河志卷八十一